

Birtedalen sti og løypelag
Org nr: 914 831 911
Birtedalsvegen 2481
3870 Fyresdal



Fyresdal kommune
postmottak@fyresdal.kommune.no

04.03.16

Spørsmål til svar på søknad om midlar til oppgradering av bru

Styret i Birtedalen sti og løypelag hadde styremøte 04.03, der dykkar svar datert 26.02.16 vedrørende søknad om midlar til oppgradering av bru var ei av sakene. Takk for raskt svar.

Vi ynskjer å stille nokre spørsmål knytt opp mot svaret dykkar.

De skriv at «*Søknaden vil ikkje passe inn etter reglane for løyving frå det kommunale næringsfondet.* Det var heller ikkje det vi hadde i tankane då vi sendte søknaden.

Vi blei i budsjetthandsaminga i desember 2015, gjort merksame på «Åraksbømidlane».

Styret i Birtedalen sti og løypelag har eit håp om at mellom anna desse midlane bør gå til aktivitet i nettopp Birtedalen.

De skriv «*for liknande saker det kan samaliknas med, har det vore løyvd midlar over driftsbudsjettet etter handsaming og prioritering i budsjettarbeidet på hausten.*»

Vi reknar med at vi blir samanlikna med Våmur løypelag og håpar å få i allefall det same beløp som dei fekk.

Her er utdrag frå møteprotokollen til kommunestyret 12.12.13 som ligg på kommunens heimeside;
PS 74/13 Handlingsprogram - plan for kulturbygg, idrett og friluftsliv 2014-2018

Framlegg frå Arbeiderpartiet v/Anne Serine Nærum: Kommunen støttar skiløyper Våmur med kr 150.000,- i 2014, med føresetnad om tilrettelegging og for dagsturistar som brukar av skiløypene.

PS 76/13 Økonomiplan 2014 - 2017 og årsbudsjett 2014

Økonomiplan 2014 – 2017 og årsbudsjett 2014 for Fyresdal kommune vert vedteke slik det ligg føre med fylgande endringar:

- *Gang og sykkelveg vert redusert med kr 700.000,-, kr 150.000 går til idrettshall og kr 150.000 går til skiløyper på Våmur. Kr 400.000 går til reduksjon av låneopptak i 2014.*

Det er viktig for oss å kome i gang med den brua i år slik at vi slepp isen og kan tilby betre kvalitet og ein lenger sesong i skiløypene.

Vi håper de ser nytten og verdien av det arbeidet som blir gjort i Birtedalen med tilrettelegging for turistar og «førstdølar».

Viser til innsendt søknad datert 23.02.16 og ynskjer med dette at saka blir lagt fram som ei politisk sak så snart det let seg gjere.

Mvh

Styret i Birtedalen sti og løypelag